

Episcopus subscripsit Concilio primo Romano sub Symmacho, necnon * *Iustus* tertio & quarto sub eodem.

ALBANUM Procopio lib. 2. rerum Gothicarum, vulgò *Albano*. Civitas Episcopalis Latii, & non Alba longa ab Ascanio condita, cum illius Episcopi dicantur in Conciliis Albanenses, non Albenses. Inter eos *Romanus* subscripsit Concilio Romano sub Hilario, *Athanasius* item Romano sub Felice, *Chrysogonus* tertio sub Symmacho, & *Andreas* Albanensis Episcopus legitur apud D. Gregorium Magnum, Epistolarum lib. 2. Indict. 11. in privilegio S. Medardi.

TUSCULUM Ptol. lib. 3. cap. 1. vulgò *Frescati*. Hujus Episcopum à Totila occisum anno 545. narrat Baronius, & *Vitalianus* subscripsit Epistola Synodica Concilii Romani sub Agathone.

† SUBAUGUSTA, Urbs Episcopalis circa Romam, quæ & Augusta Helena dicebatur. Ex ejus Episcopis *Crispianus* subscripsit Concilio Romano sub Hilario, *Petrus* item Romano sub Felice, & *Maximianus* primo sub Symmacho.

¶ FUNDI Sueton. in Tiberio cap. 5. hodie *Fondi*. *Vitalis* hujus Episcopus subscripsit Concilio Romano primo sub Symmacho.

FORMIÆ Diodoro lib. 4. nunc *Mola*. Ex ejus Episcopis *Martinianus* subscripsit Concilio Romano sub Felice, & §§ *Adeodatus* primæ Synodo Romanæ sub Symmacho.

SALERNUM Straboni lib. 5. vulgò *Salerno*. *Gaudentius* hujus Episcopus subscripsit Concilio primo Romano sub Symmacho, nec non †† *Asterius* Concilio generali quinto.

AMALPHIA, vulgò *Amalfi*. Divus Gregorius scripsit Epistolam 23. lib. 5. Ind. 14. ad Anthemium, de *Pimenio* Episc. Amalphitano.

○ SURRENTUM Melæ lib. 2. c. 4. nunc *Sorrento*, seu *Sorriento*. *Rosarius* Episcopus Surrentinus subscripsit Synodo primæ Romanæ sub Symmacho.

§ STABIÆ Ovidio l. 15. Metamorphos. vulgò *Castel amar di Stabia*. *Ursus* ejus Episcopus subscripsit eidem Concilio.

♀ NEAPOLIS Ptolem. lib. 3. c. 1. vulgò *Napoli*. Ex ejus Episcopis *Soter* subscripsit Concilio Romano sub Hilario, & *Stephanus* primo sub Symmacho.

* PUTEOLI, quæ & Dicearchia Plin. l. 3. c. 5. nunc *Puzzolo*. Ex ejus Episcopis *Claudius* subscripsit Concilio Romano sub Hilario, & *Aucupius* Romano primo sub Symmacho.

** MISENUM Virgilio 1. Æneid. vulgò *Miseno*. *Concordius* hujus Episcopus subscripsit tertiæ Synodo Romanæ sub Symmacho. *Hormisda* Papa scripsit Epistolam 9. ad *Peregrinum* Episcopum Miseni.

†† CU.

N O T Æ.

* *Iustus* 3. & 4. sub eodem] *Julianus* fuit Constantinopoli, cum *Vigilius* Papa sententiam excommunicationis ferret in *Theodorum Cæsariensem*, ubi nomen ejus legitur. *Gaudiosus* Synodo Romanæ sub Agathone. LUCAS HOLSTENIUS.

† *Subaugusta* &c. *Augusta Helena* dicebatur] Vestigia extant ad Turrin Pignataram vulgo dictam, ubi Ecclesia fuit sanctorum Petri & Marcellini. Ibidemque condita fuit Helena Augusta mater Constantini Magni. LUCAS HOLSTENIUS.

¶ *Fundi* &c.] Agnello scribit Gregorius Magnus. LUCAS HOLSTENIUS.

§§ *Adeodatus* &c.] Et alius hoc nomine sub Agathone Papa in sexta Synodo Constantinopolitana Act. 4. *Alvinus* apud S. Gregor. M. lib. 7. Ind. 2. Epist. 11. LUCAS HOLSTENIUS.

†† *Asterius* &c.] Ad eundem Asterium extat Rescriptum Pelagii Papæ I. in Collect. Can. Cardin. Deus dedit lib. 3. c. 108. LUCAS HOLSTENIUS.

○ *Surrentum* &c.] *Amandus* apud S. Gregorium M. Joann. Diac. lib. 3. cap. 12. LUCAS HOLSTENIUS.

§ *Stabia* &c.] *Jubentinus* Concilio Lateranensi sub Martino. LUCAS HOLSTENIUS.

♀ *Neapolis* &c.] *Fortunatus* Neapolis Campaniæ, ad quem scripsere Episcopi hæretici conciliabuli Sardinensis in fragm. S. Hilarii. *Calepodius* Episcopus Neapolitanus Legatus S. R. E. subscripsit Concilio Sardinensi. *Viventius* Episcopus Neapolitanus in Rescripto Pelagii I. in Collect. Can. Card. Deus dedit lib. 3. cap. 113. LUCAS HOLSTENIUS.

* *Puteoli* &c.] *Geminus* Puteolanus in Rescripto Pelagii Papæ I. *Florentius* in Rescripto Gratiani apud Baronium anno 381. n. 2. LUCAS HOLSTENIUS.

** *Misenum* &c.] *Constantius* Misenus in Rescripto Pelagii I. LUCAS HOLSTENIUS.